

KAN-EURED

Komsou gant an ao. MEVEL.

Ton nevez gant an ao. MAYET.



Tad, Mab ha Spe-red glan er ba - ra - doz o ren, Tri fers-on

e - vu - rus en eun Dou - e eb - ken. C'hiu hag o peus krou-et an

nenv hag an dou - ar E - vit ho ka - ran - tez hag e - vit ho klo-

ar: As - ten-nit, en deiz - ma, var daou bri-ed kris - ten, Ho

tourn holl gal-lou - duz, ma ve-zint eur skeu - den Eus

hoc'h un - va - ni - ez Hag eus ho san - te - lez.

I

Tad, Mab ha Spered glân, er baradoz o ren,
Tri ferson evurus en eun Doue hebken,
C'hiu hag o peus kreuet an Nenv hag an douar
Evit ho karantzez hag evit ho kloar:
Astennit en deiz-ma, var daou bried kristen
Ho tourn holl-gallouduz, ma vezint eur skeuden
Eus hoc'h unvaniez
Hag eus he santelez.

II

O Tad o peus, en Nenv, eur Mab ouzoc'h henvel,
A bep amzer ganet, ker mad ha ken uhel,
E fell deo.'h rei dreizan, da gement den a zo,
Buez 'vel hoc'h bini, ato treach'd'ar maro ;
Evel ma roit bleuniou da bep nevez amzer,
E ti ho pugale lakin buez seder
Hag ato levenez
E serr ho karantez.

III

O Mab gloar an Tad, bepred en e gerc'hen
Hag eus e vadelez mellezour dirouven,
C'hui ho peuz kemeret korf hag ene dister
Evit dont er bed-ma da vez hor Zalver :
Roit gras da bep pried d'ober 'vit egile
'Vel pens gret hoc'h-unan e kenver pep ene,
O rei deomp ho puez
'Vit hor silvidigez.

IV

Ha c'hui Spered Santel, tan beo ar garantez,
En Tad hag en e Vab, ni vel, dre o furnez,
En dro deomp er bed-ma, an urz o ren pep tra.
Ha gened hon Doue dirazomp o para:
Ama renevezit kalon an dud nevez
D'o lakat d'em garet dre nerz ho karantez,
Hag o dezo bepred
Brasoc'h evurusted.

V

Jesus, Mari, Joseph, e tiik, Nazareth
Skeuden ken barzuodus an uhella Dreindet,
C'hui ho peus digaset an Nenv var an douar
O veva 'vit Doue er boan hag er c'hlac'hар:
Selaouit pedennou kerent ha mignouned
O c'heulen diganeoc'h evit an daou bried
Peb vad hed ho buez,
Dreist oll ho karantez.

CL. MEVEL.

Imprimatur,

Kemper, 20 guengolo 1930,

P. MESSAGER.

Vikel-Vras.

